

03 FEBRUARIE

RUGACIUNEA 1

SF. IERARH

IGNATIE GAZADINI AL GOTFEIULUI

МОЛИТВА

О, священная главо, молитвенниче всея земли Приазовския и града Мариуполя основателю - отче наш святителю Игнатие! Приими сие моление наше, с любовью тебе приносимое. Ты бо имел еси попечение о еже спасти паству свою от погибели, и яко вторый Моисей, вывел еси люди греческия из рабства агарянского из области Крымския в землю сию. Изведи, святителю Божий, и наши души из темницы греховныя, да не погибнем люте со беззаконии нашими. Т, яко отец чадолюбивый, полагавый душу свою за други своя, являя неизреченное твое милосердие, требующим твоея помощи и заступления, буди и нам пастырем добрым, избавляя нас от вражеских нападков и смятений народных. Ты от юности Христа возлюбил еси, и Тому единому до скончания земныя жизни твоея с любовью послужил еси, согрей и нас Божественною любовью хранити веру Православную в чистоте сердец наших и

исполнением заповедей Господних. Ей, святче Божий, милостиво призри на нас многогрешных, и молитвами твоими избави от соблазнов мира сего и козней диавольских. Вемы бо и усты исповедуем, яко воистину ты являешися теплый наш ходатаю и заступниче пред Господем во спасение нас грешных. Испроси нам от Господа, святыми твоими молитвами, вся яже на пользу душам и телесам нашим дар, коемуждо благопотребен: - веру истинную, надежду твердую и любовь неоскудевающую, грехов наших истребление, мир, умирение, от глада и пагубы избавление. Подаждь нам, святителю Игнатие, свое святое архипастырское благословение и наставление. Архиереям и пастырем нашим подаждь премудрость, чистоту и праведное житие, якоже и сам сими украшался еси, юным даждь воспитание благое, болящим и скорбящим здравие и утешение, сущим во трудех помощь и укрепление, богатым смиренномудрие и ко ближним милосердие даруй. Всем же нам споспеши иго Христово понести во благодушии, терпении и радости духовной, да сподобимся и мы вкупе с тобою наследницами Царствия Небеснаго Быти и тамо со всеми святыми воспевати Единого в Троице покланяемого Бога во веки веков. Аминь.